

**Sakkutuujusussaaneq pillugu inatsisip allangorneratigut inatsisit aalajangersimasut  
Illersornissaqarfiup sulisui pillugit inatsisip allangorneranut inatsisit aalajangersimasut  
Kalaallit Nunaanut atuutilernissaat pillugit kunngip  
peqqussutaatigutatuutilersinneqarnissaa Namminersorlutik Oqartussat  
akuersaarsinissaat pillugu Inatsisartut aalajangiiffigisassaat**  
(Nunanut Allanut Nukissiuuteqarnermullu Naalakkersuisoq)

**Akissuteqaat**

(Nunanut Allanut Nukissiuuteqarnermullu Naalakkersuisoq)

**Aappassaaneerera**

Naalakkersuisut sinnerlugit ataatsimiititaliaq qutsavigerusuppara isumaliutissiissutaanut kiisalu suliarinninneranut inassutillu akuerineranut.

Ataatsimiititaliap siunnersuutip siullermeerneqarnerani Kalaallit Nunaat nunatut sorsuuteqataasalissanersoq nalornissutigineqarpoq maluginiarsimavaa. Taamaammatt siunnersuut una tunngavigalugu Kalaallit Nunaat nunatut sorsuuteqataasalernavianngitsoq erseqqissarneqarmat qujanarpoq.

Ataatsimiititaliap nalunaarutigaa, Illersornissaqarfik pillugu kalaallisut taaguutit nutaat ineriartortinnissaannik suliaqarnerup ingerlaqqinnissaa ataatsimiititaliamit annertuumik pingaartinneqartoq. Naalakkersuisut isumaqataapput, tapersersuillutillu.

Ataatsmiitsitalip veteranit qassiuneri ilisimatitsissutigissagaat Naalakkersuisut qinnuiginnissimapput. Veterancenterip, Illersornissamat Ministereqarfiup Sulisunik Pisortaqarfiata ilaa, Naalakkersuisunut veteranit nunatsinniittut 104-nerik ilisimatitsivoq. Naalakkersuisut Veterancenterilu maanna nunatsinni Veteranit inissisimani pillugit oqaloqatigiipput.

Ataatsimiititaliami ikinnerussuteqartut, siunnersuutip aningaasaqarnikkut allaffissornikkullu inuutissarsiutilinnut kinguneqartussaana, piffissamilu pineqartumi suliffeqarfiit sakkutuutut kiffartuussisimasunik sulisullit eqqorneqartussaanaerat tunngavigalugit siunnersuut itigartinneqassasoq inassutigaat. Naalakkersuisut maluginiarpaat suliffeqarfiit Interforce tapersersoraat. InterForce tassaavoq Illersornissaqarfiup aamma namminersortut pisortallu suliffeqarfiutaasa Illersornissaqarfiup piareersimasunik aamma Hjemmeværnimi kajumissutsiminnik suleqataasunik atuinera pillugu suleqatigiinneq. Taamaattumik InterForce Illersornissaqarfiup aamma namminersortut pisortallu suliffeqarfiutaasa akornanni paaseqatigiinnerup attuumassuteqarnerullu ineriartortinnissaat suliaraa, taamaasillunilu taakku akornanni suleqatigiinnermik siuarsaalluni. Taamaattumik suliffeqarfiit namminersortut pisortallu Sillimasunit sulisullit piffissami sakkutuutut sulineranni sulinnigiffeqartittarnissaanik tapersersuinerat InterForcep suliaraa.

Ataatsimiititaliap inatsisissatut siunnersuummut tapersersuineranut Naalakkersuisut qutsavigaat.